

Ooldejaorsaovend

Ni'jjaorsdag  
Dag van de Vrede

**donderdag**

**vri'jdag**

**31**

**1**

**december**

**jannewaori**

*Een nul kan hiel wat doen as hi'j op 't aende staot.  
(Scharpenzeel)*

1998

### **Ni'jjaorwinnen 3**

Mien buurmaegien en ik zeden van nee, mar mien naemgenotien van de buren wol nog wel een bottien hebben. Dat was wel wat te veule van 't goeie, zol laeter blieken doen.

Doe alles op was en we nog even gezellig om de taofel zeten hadden, staptien wij weer op en teugen op Garriet en Sjoukien an die brogge-waachter weren. Et husien staot d'r now al lange niet meer. Daor ston de theetaofel klaor, en we kregen altied thee mit koekies en lekkere peren. Wij weren dan zo dikke as een tieke en mien buurjoongien, die nog een bottien pareltiessoep meer op hadde as wij, kon et niet allemaole verteren. Op 'e weerommereize doe we op de tolbrogge weren, wodde hi'j wit as een doek en mit een grote boge spi'jde hi'j alles in de Kuunder, tot oplochtinge van zien misselikhied...

Wube Lamers van de Kuunderwal  
(Uut: Mien wegen bin duustere paeden)